



# PARAPHRASIS

quinti Capitis

IESCHAHIAE.




ED INBVRGI EXCVDEBAT ROBERTVS  
CHARTERIS Anno Domini 1609.

PARAPHRASIS

GUINII COPIDII  
ISSCHANIA

EXCISE



EDINBURGI EXCVDEBAT ROBERTVS  
CHARTERIS Anno Domini 1807.



# PARAPHRASIS

## quinti Capitis

IESCHAHIAE.

**P**ECTORA plena Deo nil jam mortale sonabunt:  
Namq. patrem ætheriū mens ardet amore canendi,  
Quem facilem dominum, placidumq. agnosco parentē  
Quique animum patrii radiis incendit amoris:  
Cantanda é Phario traductaque vinea fundo,  
Quam magis hac alma charus mihi luce, supinis  
Collibus insevit, nec segnibus ubere clivis.

2 Cui decus, assiduo peperit cui robora cultu,  
Tutaque prætendit pulchro munimina septo,  
Germinibusque gravi exemit fabulone rudeta,  
Purius ut puris sereret sua semina sulcis:  
Neve reformidet prædantium furta latronum,  
Longè ut prospectus speculaque petatur ab alta  
Muniit hanc cælo subductæ fabrica turris,  
Et nudata novo tincturum crura falerno  
Torcular excisum, vinaria colaque præli.  
Expectata licet cultæ sit gratia vitis,  
Spe tamen hæc dominum vana delusit inanem.  
Sparsit enim labrusca suis vineta racemis,  
Fecit & ingratos nulla mercede labores.

3 Nunc agedum regni sedem solymæa colentes  
Mœnia, quæque tuos jactas Iudæa colonos,  
Arbitrium tantæ vobis transcribere litis  
Vineto intentatæ animo sententia constat.

4 Huc vigilans studium, vires & cura labores  
Huc tulerant omnes, generosæ ut fertilis uvæ  
Vinea nostra foret, labor hic effusus, at ultra

Quid potuit nullæ decori sint vitibus uvæ?  
Spargeret & labrusca suis vineta racemis?

5 Merfa diu tenebris nunc fata extrema canemus,  
Pampineque neglecta manent quæ brachia sylvæ,  
Hanc (super indignas hyemes, solemque potentem)  
Sepibus orbatam solitis populabitur hostis:  
Quosque juvat complere vagis erroribus orbem,  
Depasti hanc prædam rapientque ferentque petitam,  
Nudaque disiectis penduntur semina vallis  
Vineaque hospitibus dabitur calcanda profanis.

6 Excidioque petam, desolatamque revellam,  
Nec teneras tondere comas, ramosque fluentes  
Stringere, nec fuerit mihi fingere cura putando;  
Vulnera non duri tellus patietur aratri,  
Sentis, & assurget densis vepræula spinis  
Nec grauidis læti fundentur nubibus imbres.

7 Iova potens armis, numeroque agmine, gentem  
Isacidum, Iudamque suæ plantaria dextræ  
Dicit, delitijs se olim pascencia gratis,  
Sylvestres posuisse animos sua semina, voto  
Responsura suo sperans, lærumque quotannis  
Proventum recti & quem regula postulat æqui,  
Ecce tamen planctus miserorum, en dura ferentum,  
It gemitus, clamor, la mentaque tristitia cælo.

8 Heu stirpem invisam, & miseræ deliria turbæ,  
Contiguam quæ quamque domum, vicinaque rura  
Poscitis, & terras omni ditione tenere,  
Haud positis rerum metis, dum cuncta premantur  
Imperio latè loca, dum regnetis vbique  
Terrarum domini, posita formidine soli.

9 Ergo opifex rerum cuncta stipante corona  
Talibus ecce modis ora indignata resolvit

Auribus



Auribus hanc vocem manifestam exterritus hausi:  
Comprecior ante mihi fors sit durissima fati  
Præcipiti ni multa labant convulsa ruina  
Culmina, disiectæ & quasso fundamine moles,  
Ni celsæ extinctis pereant cultoribus ædes.

10 Vitiferi bis quina soli ni jugera ferro  
Inversa, & validis quanquam sulcata lacertis,  
Extulerint unum bacchi tantummodo bathum,  
Terraque det nullos teneris sementibus auctus  
Frugibus infelix, Cori ex semente Medimnum  
Namque feret solum, decimas ut seminis vnum.

11 Gentem infelicem cui gratum surgere pluma  
Ocyus auricomum Phæbus quam suscitet orbem,  
Et genium placare mero, cum primula lucem  
Obscuramque trahunt cum fera crepuscula noctem,  
Dum vina incendant animos furialibus ausis.

12 Splendida quæ tanto celebrant convivio luxu  
Musarum, & dulci implentur certamine Bacchi:  
Nunc citharæ blandis mulcent tinnitibus aures,  
Garrula vocali reboant nunc nabilia cantu,  
Et tremulæ tundunt resonantia tympana palmæ,  
Nunc inflata modos effundit tibia molles:  
Mutua sic inter sese convivio curant,  
Languida dum nimio marcescant membra Lyxo,  
Et secunda dei mortalia pectora nunquam  
Miranda expendant dextra monumenta potentis.

13 Ergo solum exilio patrium mutabit acerbo,  
Bruta quidem, mentemque cava gens condita nube  
Consilij non gnara mei, quam carpere tantum  
Hic juvat illecebras fluxas, & commoda vitæ,  
Ieiunaque fame ruituri lumina regni  
Pallescent, plebisque uret sitis arida fauces,

14 Ergo avidi late pendentur limina lethi,  
Et patulum tumuli distendet janua rictum,  
Funesto hausurum morfu, trepidoque tumultu  
Cum populo patres solymæ capita alta ferentes,  
Qui jam festa novo celebrant genialia motu.

15 Sic opibus claræ gentes, sic plebis egenæ  
Compescet scelerum contagia foeda, superbum  
Deiciet dominus fastum, fera corda retundens.

16 Sic rex armipotens, animo metuendus iniquo,  
Cernere dat sancta se majestate verendum,  
Iudicio capitis justo de fontibus acto.

17 Sic ovium foetus solito de more tenelli  
Pascuntur placidè viridis per pabula campi,  
Et reduces vacuis pinguescent saltibus agni.

18 O genus exosum tristi tot crimina famæ  
Prostituens, pleno tecum quæ plurima plaustro, &  
Magna trahis, cumulus studio patrata maligno,  
Et scelerum longam malefana mente catenam,  
Densa velut gravidos trudunt funalia currus.

16 Siccine divinam scelerata irrideat iram  
Turba? quod intentant verborum fulmina frustra  
Scilicet id premet incautos: quæ sera moratur  
Segnities celerent tanti decreta furoris,  
Et sancti Isacidum tententur robora regis.

20 Væ, quibus exosi sordent malè commoda recti,  
Turpiter amplexis nullo discrimine curvum,  
Quique atras sprete sectantur luce tenebras,  
Væ quibus ut potior dulci præfertur amaror.

21 Væ genti vesana comes sapientia fastus  
Quam iuvat urgentem mala, propositique tenacem,  
Auribus ingratis nihili meliora monentes  
Ducentemque, sibi soli nimiumque placentem.



22 Væ liquidi qui sola crepant certamina Bacchi,  
Queis decor est sicera mistos vrgere Culullos,  
Queis honor est validas in vina effundere vires,  
Dum tumidas calido venas inflentur laccho.

23 Heu miseros, quorum contorta lege tribunas  
Corrumpit manibus captatum munus avaris,  
Libera vt improbitas grassetur crimine, iniqui  
Aspera Iudicii que bonos sententia damnet.

24 Ergo velut stipulæ fascēs arentis adurunt  
Extemplo tremulæ sinuosa volumina flammæ  
Grata pyræ exsucciperiunt alimenta que fœni,  
Impietas a stirpe ima ceu tabe veneni  
Marcida, & in fumos abiens, & blanda propago  
Pulverea vt nubes, tenues vanescet in auras:  
Quod temerata sacri calcarant dogmata verbi  
Irrita que incertis dederant oracula ventis.

25 Hinc opifex rerum flammato corde furorem  
Hauferat in populum, librata vulnera dextra  
Fixerat, & scelerum pœnis compescuit ipsum,  
Dura quibus rigidi rumpantur robora saxi.  
Namque inflecta viis jacuere cadavera plenis,  
Sordida ceu præda agminibus lanianda ferarum:  
Nec tamen hic laxas iræ contraxit habenas,  
Longius armatam statuens extendere dextram.

26 Nam belli vt signum cœli regnator ab arce  
Extulerit, gentesque extremi a finibus orbis  
Excierint rauco non æris cornua cantu,  
Quæ Martem accendant, divini at sibilus oris  
Arcano pulsans hostilia pectora motu.  
Ecce repente volans crepitantibus agmen in armis  
Confluet, arentes numeroque æquabit arenas.

27 Corripietque viam distentis robore nervis

Bellator, non lassā trahens, non agra labore  
Corpora, nec vino, nec membra sepulta sopore  
Languēbunt, nec ubi nectetur causa morandis  
Ad fortunatis cinctus miles in armis,  
Dura feret secum rigidi certamina Martis

28 Spicula corripiet lævato lucida ferro  
Acer, & adducto sinuabit cornua nervo:  
Vt miseros arcu stringat, fusoque cruore  
Imbuat emissas taxo stridente sagittas:  
Bello armantur equi, solido quibus ungula saxo  
Durius, arva Vago quatiet, findetque tumultu.  
Gloria cui fuerit turmas numerare curules,  
Fulmineo celeres cursuque laceffere ventos.

29 Rugiet horrendum tanquam genus acre leonum,  
Rugiet ut catulus depulsus lacte Leonis  
Feruidus in prædam cum fertur, & ore cruento  
Perfurit, ac spolijs fruitur fremebundus opimis,  
Intrepidè invisum retulit quæ victor in antrum  
Faucibus hæc raperes? aut contra audentior ires?

30 Illius imperium cum quæ malefana furentis  
Detrectare audet fiducia, talibus ausis  
Excidet horribili fremitu stupefacta, suorum  
Ausit & ipsa suum caput obiectare periculis  
Eius ad aspectum lustrantis lumine terram  
Flebilis heu subitæ gens obruta mole ruinæ  
Pessum abit, offusis horrescit terra tenebris.

FINIS.

